



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 17. Assidui tumultus in Scotia ob Religionem suscitati.

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

Sæcul. XVI.
A.C. 1560.

Catholicorum auxilio fideret, eoquod illi, inquiebant ipsi, postremis abhinc seditionibus, quæ tam circa prioris anni exitum, quam currentis initium erant suscitatae, potentia, ac numero superiores essent: verum alii huic Reginae longe diversa suggerebant consilia, eidemque persuadere nitebantur, ut merito Santandream Priorem sibi suspectum haberet, ac protinus Aberdoniam secederet, ubi validæ Catholicorum copiarum, quibus præesse posset, ad ipsius obsequium præsto forent, ac earum auxiliis suffulta Religionem Catholicam ad eundem, quo ante innovationes nuper factas erat, statum revocare valeret.

§. XVII.

Affidua tumultus in Scotia ob Religionem suscitati.

Thuan. l. 24.
Rapin. hist.
Angl. t. 6.
h. 27.

Enimvero Religio in Scotia Regno a liam ferme induebat faciem, eoquod spuria reformatio jam ab Anno millesimo quingentesimo quinquagesimo nono prævalere inciperet. Equidem ductore Brossio auxiliares copiarum ex Gallis in Administratricis opem fuere submissæ, simulque iis adjungebatur Nicolaus Pellevæus Ambianensis Episcopus præter aliquos Doctores Sorbonicos, qui Religionis dissidia componerent: verum foederati Administratricis auctoritatem agno-

agnoscere recusantes cum Elisabetha Sæc. XVI.
 Angliæ Regina foedus inibant, Admini- A.C. 1560.
 stratricem vero rogabant, ut Letha ex-
 cederet, ac secum intra viginti qua-
 tuor horarum spatium educeret omnes
 exteros milites, necnon cunctos, qui pro
 decidendis hisce controversiis sibi Le-
 gatorum auctoritatem arrogarent: In-
 super edito decreto Legationem huic
 Regenti a Galliarum Rege, & Regina
 submissam inhibent, illique interdicut,
 ne quicquam ageret usque ad univerfo-
 rum Ordinum comitia proxime oppor-
 tuno loco indicenda. Huic decreto o-
 mnes, quot quot præsentés aderant, sub-
 scripsere, ac biduo post fecialem Letham
 decernunt, qui Scotis denuntiaret, ut
 intra viginti quatuor horarum spatium
 urbe excederent, seque a publicæ liber-
 tatis hostibus segregarent.

§. XVIII.

Scotorum foedus cum Angliæ Regina.

Cum Scoti sese Regentis suæ copiis re-
 sistendo impares cernerent, Guiliel-
 mum Mætellanum in Angliam able-
 gant, qui auxilia a Regina Elisabetha
 peteret. Hanc in rem cum eadem hac
 Regina die vigesima septima Februarii
 Anno Domini millesimo quingentesimo
 sexagesimo foedus fuit initum, cujus
 summa

Thuan. 89
Rapin. l. c.
Bournet. hist.
de la Ref.
tom. 2. l. 3.
p. 611.